

TARG'IBOT TADBIRLARI DAVOM ETMOQDA



Qo'shtepa tumanida tojdar virus tarqalishiga qarshi chora-tadbirlar olib borilib, bu borada ko'plab amaliy ishlar yo'lga qo'yildi.

Tuman SEO va JSB xodimlari tomonidan koronavirus infektsiyasini aniqlash maqsadida tana harorati ko'tarilgan fuqarolardan, kasallik aniqlangan bemorlar bilan muloqotda bo'lgan shaxslardan hamda epid ko'rsatmalarga asosan fuqarolardan PZR tahlillari olinib, viloyat SEO va JSB virusologiya laboratoriyasiga yuborilmoqda.

Shuningdek, tumanimizda aholini koronavirus infektsiyasiga qarshi emlash tadbirlarini o'tkazish maqsadida 3 xil turdag'i (ASTRA-ZENEKA, ZF-UZ-VAS 200-01, SPUTNIK V) vaktsinalar olib kelinib, emlash jarayonlari tashkil etildi. Hozirda 3-bosqichdagi emlash ishlari olib borilmoqda.



Tuman SEO va JSB xodimlari tomonidan hududlardagi savdo shahobchalarida, yo'nalishlar bo'yicha qatnovchi haydovchilar orasida jamoat joylarida karantin qoidalariga rivoja qilish, fuqarolarni tibbiy niqobda bo'lishlari hamda oraliq masofani saqlashlari yuzasidan tushuntirish ishlari olib borilmoqda.

Piyoda va transport haydovchilariga niqob taqish rejimiga muntazam rivoja qilishlari tushuntirilmoqda. Savdo do'konlari sotuvchilar doimo tibbiy niqoblarda bo'lishi, tez-tez antisепtik vositalar sepilishi, ijtimoiy masofani saqlash bo'yicha ham tushuntirish ishlari olib borilmoqda. Yoz faslida havo keskin isib ketganligi sababli savdo va umumiy ovqatlanish shahobchalarida va uy sharoitida taylorangan oziq-ovqat mahsulotlari, salqinlantiruvchi qo'lba ichimliklar, muzqaymoq, tez buziladigan, sifati kafolatlanmagan mahsulotlar sotilishining oldini olish yuzasidan ogohlantirish berilmoqda.

Koronavirus infektsiyasini tumanimizga kirib kelishi va tarqalishining oldini olishga qaratilgan chora-tadbirlar tizimli ravishda davom ettirilmoqda.

I.MADUMAROV,

Qo'shtepa tumani SEO va JSB boshlig'i

Bizni ijtimoiy tarmoqlarda kuzating

Facebook,

2021-07-04 15:20:04